


De Taskliest rümkommandeern

To de Taskliest gifft't ok noch paar Saken, de Se weten schulln. T.B. de Schnellstart-Liest – wenn de nich to sehn is, gifft dat ehr nich? Orr is se bloots verstecken?

Symbolliesten in de Taskliest

Se köönt sülvn bestimmen, welk Symbolliesten Se in de Taskliest sehn wüllt. De, de Se nienich brukt, schullt Se utschalten! Platz sparen heet de Devise!




- Rechtsklickt Se de Taskliest an jichenseen Steed.
- Wählt Se in dat Kontextmenü den Indrag **Symbolleisten**.
- Bi **Schnellstart** schull de Haken stahn.

Wenn de Indrag **Schnellstart** bi Se fehlt, gifft't ok keen Schnellstart-Liest.

Opklaarn is good, Desktop anzeigen ok!

Se köönt de Icons (Verknüppungen!) in SeEhr Schnellstartliest natüürlich löschen (in't Kontextmenü vun't Icon – Icon rechtsklicken – gifft't den Befehl **Löschen**!). Dat schullt Se ok doon, wenn Se de Symbolen nich bruukt! Müll mutt rut!


In de Schnellstartliest hebbt Se villicht en lütt Symbol  **Desktop anzeigen**. Dat schulln Se nu nich löschen, denn dat is good! Alle Fenster warrt op'n Schlag minimeert, de Desktop is to sehn. Utprobeern!

Wenn de Schnellstartliest „vull“ is, warrt paar Icons einfach ünner so'n Doppelpiel afschaven. Den mööt Se denn drücken, dat Se an de Icons rankaamt. – Villicht beter opklaarn?



De Breed vun de Schnellstartliest köönt Se eenfac h dör Trecken an de rechte Grenz insteln.

Doppelpiel hier klicken



Taskliest breder

Se köönt de Breed vun Ehr Taskliest sülvn fastsetten:


- Wiest Se mit de Muus op den bövelsten Rand vun de Taskliest.
- De Muuswieser warrt to'n Doppelpiel. Dat heet overall in Windows, dat Se an wat trecken köönt!



Düsse Taskliest is vull vun Schaltflächen. De Naams dorop kannst nich mehr richtig lesen.

- Treckt Se nu mit daldrückte Muustast langsam na baven.

- So'n Rahmen ut Püñkt kümmt mit. De Taskliest beed an, grötter to warrn.
- Laat Se de Muustast los, denn hebbt Se ehr so breed, as Se dat trocken hebbt.



De Taskliest is opmaal veer Reegn hoch – Platz för alle Schaltflächen

- Sülvestreden köönt Se dat wedder trüchtrecken. Avers Woorscheu! Treckt Se de Taskliest denn nicht so small, dat Se ganz weg is. Wenn't dochen passeert is, köönt Se ehr avers vörsichtig mit'n Duppelpiel wedder vun'n neddersten Billschirmrand vörtrecken.

Wannehr is düt to bruken? Wenn Se jümmers veel Programme opmaal lopen hebbt, dat de Taskliest vull vun Schaltflächen is, kann dat good ween. Bedenkt Se avers, dat dat veel Platz op'n Billschirm bruken deit!

Taskliest woanners hen trecken


Nanu, gefällt Se dat nich, dat de Taskliest dor nerrn an'n Billschirmrand sitt? Mutt nich so ween! Wiest Se op en frie Steed in de Taskliest un treckt Se ehr mit daldrückte Muustast einfach weg – t.B. an'n linken Billschirmrand. Dör den Rahmen ut Püñkt seht Se, wannehr de Taskliest kapeert, dat se dor „andocken“ schall. Ok rechts un baven kann se sitten! – Man ik finn, nerrn is de rechte Steed.

← De Taskliest is an'n linken Billschirmrand „andockt“.

Taskliest verswinnt jümmers!

Dat köönt Se ok sülven instelln.

- Klickt Se op **Start | Einstellungen | Taskleiste & Startmenü.**
- En Dialog geht op. Gaht Se op de Registerkoort **Optionen der Taskleiste.**



- Wenn de Taskliest anduern verswinnt, ligt dat an, dat bi de Opschoon **Automatisch im Hintergrund** de Haken steiht.
- Klickt Se op den Haken, denn verswinnt he.
- De Haken schulln best so verdeelt ween as in dat Bild.
- Denn **OK**.

Startmenü manipulieren

In düssen Dialog köönt Se ok an't Startmenü dreihn: Probeert Se mit Vörsicht de Registerkoort **Programme im Menü Start** – süh Bild rechts.

Minimeern/Maximeern per Klick

Hebht Se stückerwat Schaltflacken in de Taskliest apen? Good, denn klickt Se mal op een. Fenster kümmt na vörn, kennt wi. Nu klickt Se nochmaal op. Fenster is weg! Dat is minimeert. So is dat einfacher as mit den Minimeern-Knoop baven rechts an dat Fenster.



'n Kontextmenü (rechter Muusklick!), 'neem Se ok de Programmen ut tomaken köönt – mit den **Schließen**-Befehl!



Kontextmenü vun Schaltflacken bruken!

De enkelten Schaltflacken op de Taskliest hebht all

Afstört – nix löppt mehr

Afstörten =

- en Programm reageert nich mehr op Muusklicks un Ingaven orr
- de Muus röhrt sik nich mehr, avers de Tastatur lev't noch orr
- de Muus hangt, de Tastatur hangt – nix geht mehr


slimmer

Dat Afstörten warrt ok „Ophangen“ nöömt. „Dat Programm/de PC hett sik ophängt“ heet: Dat reageert nich mehr.

1. Dat Programm reageert nich mehr

In düssen Fall sünd wohrschienlich de Daten, de noch nich spiekert weern, ut düt Programm verlaren.

- Drückt Se **Strg + Alt + Entf**.
- Dat Fenster vun 'n Task-Manager duukt op.
- Klickt Se op dat Programm („die Anwendung“), dat nich mehr löppt.
- Klickt Se **Task beenden**.



- Se kriggt mehrst noch en Fenster to sehn, 'neem in steiht, dat „die Anwendung nicht mehr reagiert“. Klickt Se dor ok **Task beenden**.
- Roopt Se nochmaal den Task-Manager op (**Strg + Alt + Entf**), natopröven, wat noch Resten vun't afstörte Programm dor rümmerhangt. Wenn ja, scheidt Se ok disse Resten mit **Task beenden** af.

„Affengriep“

De Tastengriep **Strg + Alt + Entf** warrt ok de „Affengriep“ nöömt. Dat is de Standard-Rettungsgriep bi afstörte Programme.

2. De Muus hangt, avers de Tastatur levt noch

Hier is en Niegstart vun Windows fällig.

- Drückt Se **Strg + Alt + Entf**.
- Dat Fenster vun'n **Task-Manager** duukt op. Se mööt dat nu mangels Muus mit de Tasten bedenen.
- Drückt Se **Alt + h**. Dat gifft den Befehl **Herunterfahren**.

De Computer warrt nu ganz normaal rünnerfohn. Windows meckert denn bi en Niegstart nich.

Alternative: Windows mit de Tasten stüern

Glöövt Se't orr nich: Se köönt dat ganze Windows ok mit de Tasten alleen stüern! Wenn de Muus sik ophangt hett, is dat ganz nüttlich.

In Programme: **Alt**-Taste → Menüliest, dor Pieltasten un Entertaste benütten. Bruukt Se disse Methoden, allens to spiekern un denn dat Programm mit **Datei | Beenden** to sluten. Maakt Se so alle Programme to.

Op'n Desktop: Benütt Se de Tastenkombinaschoon **Alt + S** orr, wenn de nix deit, de Windows-Taste (twüschen Strg un Alt, hett dat Windows-Logo op), dat Se dat Startmenü kriggt. Hier köönt Se wedder mit Piel- und Entertaste den Befehl **Start | Beenden** opropen. So kriggt Se den PC noch anständig rünnerfohrt.

3. Allens hangt

De GAU is passeert. Se mööt en Reset (= Warmstart vun'n Rekner) dörföhren.

- Söökt Se de **Reset**-Taste vörn an't PC-Gehüüs. Faken is se heel lütt un lett sik bloots mit en Bleistift orr Kugelschreiber drücken.
- Drückt Se de Taste.
- De Rekner start nieg. Windows besweert sik, dat Se dat nich korrekt rünnerfohrt hebbt, un smeed **Scandisk** an.

Scandisk is en lütt Programm, dat prüvt, wat bi'n Afstörten Datein tweigahn sünd. Hebbt Se keen Angst, neegto nienich geht wat twei. Windows muult even bloots.

Keen Reset-Tast wied un sied?!

Bi niegere Rekner warrt de Reset-Taste faken inspaart. Denn probeert Se dat mit de Power-Taste (de Taste to'n Anschalten). Wenn dat nix hölpt, mööt Se de Kist mal kort den Netzstrom wegnehmen... Schiet.